

Costco Wholesale Iceland ehf.

Kauptúni 3  
210 Garðabær

Reykjavík, 5. maí 2021

UST202011-173/F.K.

07.13.02

**Niðurstöður eftirlits í kjölfar ábendingar um vanmerkta efnavöru í Costco.**

Umhverfisstofnun barst ábending um að efnavörur sem boðnar væru til sölu í Costco Wholesale Iceland, Kauptúni 3 uppfylli ekki kröfur efnalaga nr. 61/2013 varðandi merkingar.

Um er að ræða eftirfarandi vörur sem Costco Wholesale Iceland ehf. er ábyrgt fyrir markaðssetningu á:

Vara	Strikamerki
Vanish Oxi Advance (2,4 kg)	5011417792452
Vanish Oxi Action – Crystal White (2,4 kg)	5011417792445
Kirkland Premium Dishwasher packs	096619439775

Farið var í eftirlit í verslunina og eintak af vörum sem tekið til skoðunar. Eftirlitið leiddi í ljós að umræddar vörur uppfylla ekki skilyrði efnalaga nr. 61/2013 og reglugerðar nr. 415/2014 um flokkun, merkingu og umbúðir efna og efnablandna, sem innleiðir reglugerð (EB) nr. 1272/2008.

Um kröfur til merkinga og frávik frá þeim sem eftirlitið leiddi í ljós vísast til eftirlitsskýrslu sem er send til eftirlitsaðila með rafrænum hætti.

Umhverfisstofnun veitir Costco Wholesale Iceland ehf. frest til **19. maí 2021** til að senda stofnuninni afrit af merkimiðum varanna *Vanish Oxi Advance* og *Vanish Oxi Action* sem eru uppfærð með tilliti til tungumálakröfu skv. reglugerð nr. 415/2014 sbr. nánari útlistun í meðfylgjandi eftirlitsskýrslu og einnig staðfesta flokkun *Kirkland Premium Dishwasher packs* og senda afrit af merkimiðum, uppfærðum með tilliti til varnaðarorðs, hættusetninga, og hættumerkjja í samræmi við flokkun og tungumálakröfu með tilliti til merkinga skv. reglugerð 415/2014 sem innleiðir reglugerð (EB) nr. 1272/2008 sbr. nánari útlistun í meðfylgjandi eftirlitsskýrslu.

Úrbætur skulu sendar Umhverfisstofnun merktar málsnúmerinu **UST202011-173**. Rafræn skjöl sendist á [ust@ust.is](mailto:ust@ust.is).

**Jafnframt er gerð sú krafa að vörur á sölustað verði endurmerktar með réttri merkingu þegar hún liggur fyrir og hefur verið staðfest af Umhverfisstofnun.**

Umhverfisstofnun veitir Costco Wholesale Iceland ehf. hér með frest til 19. maí nk. til þess að koma sjónarmiðum sínum á framfæri, sbr. 13.gr. stjórnsýslulaga nr. 37/1993.

Vakin er athygli á því að í samræmi við 5. mgr. 49. gr. efnalaga mun Umhverfisstofnun birta á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir. Bréf þetta og meðfylgjandi eftirlitsskýrsla verða birt á vefsetri stofnunarinnar 12.maí nk. Telji fyrirtækið að efni í bréfinu eða eftirlitsskýrslunni varði hagsmuni sem njóta eigi leyndar skal fyrirtækið tilkynna um það til Umhverfisstofnunar með rökstuðningi fyrir 12.maí 2021.

Umhverfisstofnun vekur athygli á því að þótt aðeins séu gerðar kröfur varðandi þessa tilteknu vöru gæti verið þörf á úrbótum varðandi fleiri vörur hjá fyrirtækinu til að þær standist kröfur efnalaga eða reglugerða settra á grundvelli þeirra.

Umhverfisstofnun vekur einnig athygli á því að samkvæmt XIII. kafla efnalaga er stofnuninni heimilt að beita þvingunarúrræðum til að knýja á um framkvæmd ráðstöfunar samkvæmt lögunum, til að mynda með áminningu sbr. 55. gr., álagningu dagsekta sbr. 56. gr. og stöðvun markaðssetningar sbr. 57. og 58. gr.

Jafnframt er vakin athygli á því að samkvæmt gjaldskrá fyrir verkefni og þjónustu Umhverfisstofnunar nr. 535/2015 innheimitr stofnunin tímagjald vegna eftiryfigni eftirlits og beitingar þvingunarúrræða, sbr. 30 gr. gjaldskrárinnar. Komi ekki til frekari eftiryfigni eða beitingar þvingunarúrræða í þessu máli verður ekkert gjald innheimt.

Upplýsingar um flokkun, merkingu og umbúðir efna og efnablandna má finna á heimasíðu Umhverfisstofnunnar<sup>1</sup>.

Fyrirtækinu er velkomið að leita til sérfræðings stofnunarinnar, Fífu Konráðsdóttur, til að fá nánari upplýsingar um skyldubundnar merkingar í síma 591 2000 eða í gegnum netfangið [fifa.konradsdottir@ust.is](mailto:fifa.konradsdottir@ust.is).

Virðingarfyllst

Fífa Konráðsdóttir  
sérfræðingur

Bergdís Björk Bæringsdóttir  
sérfræðingur

---

<sup>1</sup> <https://ust.is/atvinnulif/efni/flokkun-merking-og-umbudir/>